



Selasa, 05 Maret 2024
Ogen: Nahum 3: 1-4



Cilaka Me Niniwe



Ibas Pustaka Si Badia isuratken kerna kuta Niniwe ibu kota kerajaan asyur. Kota enda pernah jera i bas kejahatenna nari tupung nabi Junus erdahin i bas kota e. Tapi piga-piga tahun dekahna kota e mulihken ku bas perbahanenna si jahat. Pemimpin-pemimpin kota e kejam terberita ku belang-belang doni paksa si e. Budak-budakna igasgasina deba seh ku pembunuhan. Irampasna erta benda bangsa si ijajahna. Bangsa-bangsa i sekelewetna italukenna dengen ibahanna jadi budakna. Kuta e dem alu barang rampasen ras diberu-diberu si itawan. Kalak si erlua-lua lanai terbeligai, leket ukur bangsa-bangsa ban beluhna ia nami-nami tapi dungna ikernekenna bangsa e. Kalak Israel pe pernah ibuangken Tuhan ku Asyur si kejam e. Tapi kekejamenna e labo ipediat Tuhan. Arah nabi Nahum, ipeseh Tuhan sura-suraNa nandangi kota Niniwe e. Cilaka me kota pembunuh si perguak e, nina Tuhan. Cilaka e ngatakensa lanai lit ampunen. Labo lit kalak si banci puluh adi Dibata si erbelas. Uga pe ia gegehna ras hebatna, labo ia ngasup naluken Dibata. Gambaren cilaka si ikataken nabi Nahum e desken perang si mesangat, sora cambuk terbegi i jah i je, roda gereta perang erderak-derik, sora kuda ranjak-ranjak, sora gereta perang lompat-lompat. Dibata make bangsa-bangsa sideban lako nerang niniwe. Ibereken Diabta gegeh man bangsa-bangsa si deban, guna naluken Niniwe. Ngadi-ngadi radas, ngadi-ngadi kernep. Em cilaka si isehken Tuhan man kalak Niniwe. Tuhu adi la mehamat man Tuhan, kernep naring sikerajagenta. Sekali enggo ibereken Tuhan perkuah ate, tapi adi usur-usur i bas kejahatanen merawa nge Tuhan. Ula timai rawa Tuhan, jeralah!